

興
京
縣
志

乙丑年
五月
王允五



第
四
冊

交 通
物 產
藝 文
雜 志

興京縣志第十二卷 交通

人目次

郵政

電報

電話

路線

津梁

昔在荒遠榛莽之時部處族居人習其土限一帶水隔一笏山有老死不相往來之風有清以還拔木爲塗鑿山通徑人事日繁而往還漸衆近茲以商業懋遷食貨出入逶迤陂徑之間寢至車水馬龍之盛所望國家聲唱庶衆力援以物產之力啓交通之機東上吉林西下陪都鐵軌徧敷金穴可開民生物化駸駸驟進據茲撫域曷有涯涘志交通

郵政

興京二等郵局設縣城河南街清末創設局長一人郵務生一人僱員一人信差二人永陵三等郵局設陵街東堡局長一人僱員一人信差一人他如東路旺清門則有郵寄代辦所西路

木奇上夾河古樓各村鎮均有郵寄代辦所由此沿途銜接逐日遞達事稱至便而附於商戶代爲出納無專司其事之人爲節省計也南路則平定山西南則葦子峪西路則鄭家堡前安河南彰黨北路則罕羊三家子各村鎮亦於商戶附設郵政信櫃以利交通惟不銜接必須設差期日巡遞轉達附近郵局四日而一通郵爲稍形滯濡以視昔之信局酒資費鈔書到經年則又便矣

電報

興京電報局設縣城前街清宣統元年開辦東接通化西接撫順以達省城電線修二百餘里局設局長一人值報生一人工

役七人每年收入約二千餘元

電話

電話局設縣城二道街初省憲以行政關係促辦者數載限於經濟匪擾荏苒未措十一年冬縣長沈公召集屬之人士共徵羣意擬設電話以靈消息議決以民存七年省公債票備充股本所需電杆材料亦由各區分任代輸埋置依股分有限公司條例組織擬定簡章呈准省長暨財政實業各廳均行備案明年二月於縣署設電話籌備處任紳士蔡惠春爲籌備員張耀東爲辦事員五月十五開始架設縣城永陵旺清門等處更兩月縣城總局設置完備分局各處亦次第就緒由縣署委張耀

東爲局長七月十一日舉行開幕儀式自此公私緩急無搔首之虞矣冬季十區長途電話敷設週遍而柳河通化撫順諸鄰封亦以一縷金絲遙相銜接矣計各區長途單線共計六百八十六里另由縣城至古樓西嶺雙線長途一百五十一里爲直線與撫順打鶯嘴子通話十二年七月添設四道溝紅廟子諸處枝綫并與桓仁接修一線皆由旺清門分局轉綫計各處所設話機縣城七十五部永陵二十部旺清門五部十區二十九部開辦共支出小洋五萬四千六百二十七元共收股本四萬零五百零五元總計不足一萬四千一百二十二元復召股東會議表決由各區警甲所設電話每線納承租費小洋三百元

共得六千元又息借地方公款處小洋四千元其餘不足之數
即由是年獲利抵補十二年收支比較約餘小洋三千元之譜
更列總分局職員人數如左

總局設局長一員領班一員文牘一人司機生六人練習生三
人工頭一人工匠二人夫役二人安設百處交換機一部百二
十處分綫盤避雷機一部十處交換機一部長途機一部零號
機二部

永陵分局主任一人司機生二人練習生一人工匠一人夫役
一人安設三十處交換機一部長途機一部零號機一部
旺清門分局設主任一人司機生一人安設十處交換機一部

長途機一部

路線

南路車行出縣西行繞老城邇而南入都都伙洛東南渡潞道溝嶺西入桓仁境南渡老嶺爲赴平定山徑行人則多取道木頭伙洛及陡嶺諸山路南行較爲捷徑

北路車行出縣北行越石碑溝嶺黃梁嶺過沙寶湯度金廠嶺出五鳳樓入柳河境沙寶湯西北渡四道溝嶺抵彎甸子

西路車行出縣過永陵度羊祭台嶺木奇嶺下度馬爾墩嶺過上下夾河古樓度土蜜縫嶺入撫順境

東路車行出縣東行度分水嶺出旺清門街渡富爾江抵通化

境

西北路由永陵北行度新開嶺下大萊河經黑牛石度桑樹溝嶺西轉罕羊東轉南三家子度罕羊溝嶺渡渾河抵馬前寨子村渡英莪河抵開原境

按縣境山谷四塞往來不便前者惟東西兩路車騎可通西南西北各路率皆盤磴崎嶇不能駢駕食貨出入多以羸驢捆載以輸（俗呼駝子）近來人事交通日趨繁劇而深山大谷之中亦日見墾伐崎嶇日就於平密林逐漸以伐而透迤之谷嶺乃日見車馬矣方今省憲亟亟焉以敷設奉興間鐵路爲念有日蜿蜒鐵軌突現於蘇渾兩岸則木礪糧貨朝發

夕至利源之鬯其繫於交通者可拭目待之

津梁

觀化橋在縣街東跨蘇子河上游民國十年六月沈觀澄知事會同紳商學農各界募資建築長二十餘丈寬丈許

澄懷橋在縣街西與觀化橋同時建築修狹亞之十二年夏漲湮頗阻往還是年秋沈公復向商農募款三千五百餘元重行建築比冬告成修廣過於從前而基圯棟檻亦視昔爲鞏固焉茶棚菴橋在縣西五里茶棚菴村夏秋橫樁木板冬季徧敷柴茨以供車馬踐踏而便行人

永陵街橋在永陵街南爲永陵南渡之橋

永陵西橋在陵街東堡西門外狀頗壯麗十一年秋爲區長崔廣雲釀集商家共同建築

水手堡橋在木奇街西爲入省西渡之橋

古樓橋在古樓村旁蘇子河下游爲出境入省通衢

按以上諸橋除觀化澄懷永陵西橋外餘皆同於茶棚巷情形查興邑河流除蘇子河直貫中部外餘多僻處邊隅於交通上不據形勢不過採薪提甕有時來往隨地橫木而渡且山水暴急不時湮沒故正式耐久橋梁率鮮構造僅就交通關係舉數處掛漏之不免固也

渡口

夏園渡在永陵西夏園蘇子河西下夏漲益烈村人剡木爲槽以渡行人溽暑方炎自永陵而南之行旅率繞以渡

石人渡在蘇子河流石人溝口蘇子河至此益肆而大行人涉厲率難渡之村人備舟以待喚渡畧取其資

穆喜渡在木奇村西蘇子河至此會諸細流其勢益宏夏間水勢浸漲非賴舟楫蓋難飛渡其地設渡甚古考盛京通志載清初曾於此處設渡名穆喜渡并設有水手若干戶錫以官地春秋耕田自給夏間擺渡今木奇水手堡即當年水手之遺裔也古樓渡在古樓橋下夏水沒橋行人裹足每悵悵於叢蒲細柳之中忽聞欸乃出一文錢渡百尺波而不濡衣沾足行人樂之

葦子峪渡在葦子峪村太資河東出薩木禪山捲石挾沙飛騰
西下夏雨方殷河流益大村人設槽以渡邑人之往來木溪城
廠及由山路赴鳳城者多出此渡焉

興京縣志第十三卷 物產

目次

農產

蔬類

花果

草木

藥材

礦產

禽獸

鱗介

昆蟲

一

二

三

四

五

六

七

目次

周王垂顙天作高山孔聖傳經地爲寶藏良以煮東齊之海水
何限利源茹西蜀之踰鵠可娛饑歲而沃隰臨原董茶如飴甫
田峻畝秬稌若林物力蕃衍民生鬯遂若是用致乎神地不愛
寶人專其務物成有功於是川嶽菁華供生生而不竭桑麻樂
利祝處處以同休志物產

品三 農產

穀古謂之粟俗謂小米有黃白二色磨礱除秕顆粒小而圓澤
爲境內普通食物稽曰穀草切之飼畜

蜀黍種傳自蜀故曰蜀黍俗曰高粱以本高丈餘也有赭黑二
色粒圓供食品糠粃飼畜曰芻料其米可釀酒造醋稽可爲燃